

ԱԿԱԳԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

1966 թ. մարտի 16-ին կայացավ Հայկական բնագավառի տեսական և ժողովրդատնտեսական ՄՍՌ գիտությունների ակադեմիայի տարեկան ընդհանուր ժողովը՝ նվիրված ակադեմիայի 1965 թ. գիտական գործունեության հիմնական արդյունքների քննարկմանը:

Ժողովի աշխատանքներին մասնակցում էին ակադեմիայի իսկական և թղթակից անդամներ, պիտահետազոտական ինստիտուտների ղեկավարներ և գիտական աշխատակիցներ, բուհերի դասախոսներ, պարտիական և սովետական ղեկավար աշխատողներ, արտադրական ձեռնարկությունների և ճյուղային ինստիտուտների ղեկավարներ: Ժողովին ներկա էին Հայաստանի կոմպարտիայի Կենտկոմի առաջին քարտուղար Ա. Ն. Քոչինյանը, Հայկական ՄՍՌ Գերագույն սովետի նախագահության նախագահ Ն. Խ. Հաբուրյունյանը, ՀԿՊ Կենտկոմի քարտուղար Մ. Հ. Խաչատրյանը, ՀԿՊ Երևանի քաղկոմի առաջին քարտուղար Լ. Պ. Ղաբիրջանյանը:

Ընդհանուր ժողովը ներածական ընդարձակ ճառով քննեց ղեկավարի պիտությունների ակադեմիայի պրեզիդենտ, ակադեմիկոս Վ. Հ. Համբարձումյանը: Պրեզիդենտը նշեց գիտության բնագավառի այն գլխավոր նվաճումները, որոնց հասնել են ակադեմիայի հիմնարկները հաշվետու տարում, ցույց տվեց աշխատանքներում տեղ գտած թերությունները, նրանց վերացման ուղիները:

Ակադեմիկոս Համբարձումյանը հանգամանորեն կանգ առավ ակադեմիայի զարգացման հեռանկարների վրա: Հայաստանի գիտությունները՝ ակադեմիայի հիմնական ուղղությունները՝ չափապատասխանում են այն խնդիրներին, որոնք դրվում են երկրի գիտության առջև, ասաց նա: Պրեզիդենտը համոզմունք հայտնեց, որ ակադեմիայի բոլոր աշխատակիցները կլարեն իրենց ուժերը գիտական կոնկրետությունների առջև դրված ավելի պատասխանատու խնդիրները լուծելու համար:

Գիտությունների ակադեմիայի 1965 թ. գիտական գործունեության հիմնական արդյունքների մասին զեկուցումով ժողովում հանդես եկավ ակադեմիայի ակադեմիկոս-քարտուղար Ս. Ս. Մկրտչյանը:

1965 թ. ղեկավարի պիտությունների ակադեմիայի հիմնարկների ուղղությունը կենտ-

րոնքը նշանակություն ունեցող 9 կոմպլեքսային ուղղությունների լուծման վրա, ուղղություններ, որոնք ընդգրկում են 76 պրոբլեմ, 360 թեմա, — ասաց ակադեմիայի ակադեմիկոս-քարտուղարը, — լայն ճակատով ուսումնասիրություններ կատարվեցին ֆիզիկա-տեխնիկական և մաթեմատիկական, երկրաբանական, կենսաբանական, քիմիական, հասարակական գիտությունների ամբողջ կոմպլեքսի շատ բնագավառներում: Ստացված մի շարք արդյունքներ լուրջ ներդրում են սովետական և համաշխարհային գիտության զարգացման գործում:

Ակադեմիկոս-քարտուղարի զեկուցման մեջ հանգամանորեն խոսվեց նաև հասարակական գիտությունների բաժանմունքի հիմնարկների գործունեության մասին:

Այս բաժանմունքում մշակվում են հայ ժողովրդի պատմության, գրականության, լեզվի, հնագիտության, փիլիսոփայության, իրավունքի, աղագրության, տնտեսագիտության, արևելագիտության, գեղագիտության և այլ հարցերի վերաբերյալ 33 պրոբլեմներ, որոնք ընդգրկում են 133 թեմա: Ակադեմիայում աշխատող պատմաբանների, գրականագետների, բանասերների և մյուս գիտնականների աշխատություններում նշանակալից տեղ են գրավում հայ ժողովրդի և ՄՍՌՄ մյուս ժողովուրդների միջև գոյություն ունեցող պատմական, քաղաքական, հասարակական, գաղափարական և մշակութային կապերի ուսումնասիրման հարցերը:

Տնտեսագիտության ինստիտուտի կոնկրետ վրա աշխատել է ժողովրդական տնտեսության պլանավորման կատարելագործումը, կապիտալ ներդրումների և հիմնական ֆոնդերի էֆեկտիվությունը, տնտեսական հաշվարկ, զնակագմության և արտադրության մեջ նյութական շահագրգռվածության բարձրացումը պրոբլեմների ուղղությամբ:

Պատմության ինստիտուտում աշխատանք է ծավալվել «Հայ ժողովրդի պատմություն» բազմահատոր աշխատության ստեղծման ուղղությամբ: Տպագրվել են մի շարք աշխատություններ Հոկտեմբերյան սոցիալիստական մեծ ոեղյութիւնի և սոցիալիստական ու կոմունիստական շինարարության, ինչպես նաև հայ ժողո-

վերդր հին, միջին դարերի ու նոր պատմության հարցերի վերաբերյալ:

Մ. Արեղյանի անվան գրականության ինստիտուտի կոլեկտիվի ջանքերը կենտրոնացված են սովետահայ գրականության զարգացման օրինաչափությունների, հայ նոր և հին գրականության, գրական կապերի, հայ դասական գրողների երկերի հրատարակության և այլ հարցերի վրա: Տպագրության են հանձնված Ռ. Պատկանյանի երկերի 3-րդ և 4-րդ հատորները, նախապատրաստված են տպագրության Մ. Արեղյանի երկերի 1-ին և 2-րդ հատորները: 1965 թ. լույս տեսան Շ. Պարոնյանի երկերի 4-րդ և 5-րդ հատորները, Հովհ. Հովհաննիսյանի երկերի 3-րդ հատորը, Ե. Չարենցի երկերի 5-րդ հատորը:

Հնագիտության և ազգագրության ինստիտուտում աշխատանք է տարվել Հայաստանի հնագիտական ատլասի կազմման ուղղությամբ: Այստեղ ավարտվել են «Հայաստանի էնեոլիթի հուշարձանները», «Բրոնզի և վաղ երկաթի շրջանի հուշարձանները», «Հայաստանի կիկլոպյան բերդերը», «Անտիկ շրջանի հուշարձանները», «Միջնադարյան Հայաստանի քաղաքները» թեմաները: Զգալի աշխատանք է կատարված նաև «Հայաստանի ազգագրական ատլաս»-ի ստեղծման ուղղությամբ:

Լեզվի ինստիտուտն աշխատել է հայոց լեզվի զարգացման օրինաչափությունների, բառարանագրության և բառագիտության, հայոց լեզվի պատմության, հայ բարբառների ուսումնասիրության և այլ հարցերի վրա: Լույս է տեսել Շ. Աճառյանի «Հայոց լեզվի լիակատար քերականության» 5-րդ հատորը:

Նոր հաջողություններ են ձեռք բերվել փիլիսոփայության և արևելագիտության սեկտորներում:

Ժողովում նշվեց այն, որ հասարակական գիտությունների բաժանմունքի հիմնարկների գիտական կոլեկտիվների ուժերը այժմ կենտրոնացվում են գերազանցապես հայագիտության կարևորագույն պրոբլեմների գծով ընդհանրացնող խոշոր աշխատությունների ստեղծման շուրջը: Բաժանմունքի յուրաքանչյուր հիմնարկ ներկայումս ունի այն գլխավոր պրոբլեմը, որի մշակմանն են ուղղված տվյալ գիտական կոլեկտիվի ջանքերը:

Ակադեմիայի ընդհանուր ժողովում ծավալվեց մտքերի փոխանակություն: Ելույթ ունեցան ՀՍՍՌ ԳԱ վիցե-պրեզիդենտներ Հ. Խ. Բունիարյանը, Մ. Գ. Ներսիսյանը, ՀՍՍՌ ԳԱ ակադեմիկոսներ Ա. Ս. Ղաբիրյանը, Ա. Ա. Առաքելյանը, Ի. Վ. Նղիսյանը, Վ. Հ. Գուլիսյանը, Վ. Ի. Իսազուլյանը, Ա. Ի. Ալիխանյանը, թղթակից-անդամ Գ. Բ. Ղաբիրյանը և ուրիշներ:

Ընդհանուր ժողովում լսվեցին նաև գիտական զեկուցումներ: Զեկուցումներով հանդես եկան ԳԱ ակադեմիկոսներ Ա. Ա. Ալիխանյանը, Ա. Գ. Հովհաննիսյանը և թղթակից-անդամ Հ. Տ. Աղոնցը:

Ակադեմիայի ընդհանուր ժողովը քննարկեց նաև կազմակերպական հարցեր: Ակադեմիայի կանոնադրության համաձայն ակադեմիայի նախագահության ժամկետը լրացած անդամների փոխարեն ընտրվեցին նորերը: Նախագահության անդամներ ընտրվեցին ԳԱ ակադեմիկոսներ Ա. Ս. Մկրտչյանը (միաժամանակ՝ ակադեմիայի ակադեմիկոս-քարտուղար), Վ. Հ. Գուլիսյանը (միաժամանակ՝ կենսաբանական գիտությունների բաժանմունքի ակադեմիկոս-քարտուղար), Գ. Ս. Դավթյանը, Ա. Ղ. Իսախանյանը, Ա. Գ. Նազարովը:

Հ. ԱՎԵՏԻՍՅԱՆ

ՀՐԱՉՅԱ ԱՃԱՌՅԱՆԻ ՄԵՆԴՅԱՆ 90-ԱՄՅԱԿԸ

Մեծանուն լեզվաբան ու հայագետ Հրաչյա Աճառյանի ծննդյան 90-ամյակին էր նվիրված Հայկական ՍՍՌ ԳԱ լեզվի ինստիտուտի գիտական նստաշրջանը, որը տեղի ունեցավ 1966 թ. մարտի 21—22-ին:

Նստաշրջանը ներածական խոսքով բացեց ինստիտուտի ղեկավար պրոֆ. Գ. Բ. Չաչուկյանը:

Հր. Աճառյանի կյանքի և գիտական գործունեության մասին զեկուցումով հանդես եկավ ՀՍՍՌ ԳԱ թղթակից-անդամ պրոֆ. Է. Բ. Աղաբաբյանը: Խոսելով Աճառյանի լեզվաբանությանը և հայագիտությանը մատուցած խոշոր ծառա-

յությունների մասին, նա հատկապես ընդգծեց, որ հայոց լեզվի ուսումնասիրությանը նվիրված երա աշխատությունները ամփոփում են շուրջ մեկ հարյուրամյակի ընթացքում հայերենագիտության նվաճումները և նոր մակարդակի բարձրացում: Հայ լեզվաբանական միտքը, Իր մեծարժեք հետազոտություններով Աճառյանը նոր ուղիներ է հարթել հայագիտության մի քանի հյուղերի համար (բարբառագիտություն, հայոց լեզվի պատմություն և այլն), որոնց հիմնադիրը ամենայն իրավամբ համարվում է ինքը: Այնուհետև զեկուցողը բնութագրում է Աճառյանի զա-